


Willem de Vink

YESU ONE AN MAZAYA LA

Labaar kane gat labaya wusa saɗa wusa




WILLEM DE VINK

Dina an bo....:



Ake-taali-bas: Wina'am keti ti taali basid la'amne lin pu nar la. Fu ya'a sid mɔr sunsa'aji fu tuumbe'ed yela, ka gban'e ye fu na tiak, Wina'am na kee fu tuumbe'ed taali bas. Yesu da kpɛi ti tuumbe'ed zug la ke ka ti na nye tuumbe'ed taal basib (p.58).



Kum Dapuuda: Zin'ikane ka Yesu da namis ka kpi ne o meɲ meɲ boɔdim la. Li yu'un ane zanbine tis Yesu nya'andɔlib wusa (p.25, 50).



Kum Vu'ugir: Yesu da nie kumin. Daar kenna ka bane kpi wusa na nie kumin ka Wina'am kad so' woo saria (p.53-57).



Lɛbug na: Yesu ya'a ti lɛb dunia na, si'el wusa na lieb paal. Wina'am na ke ka Agɔl ne tengbaun lieb paalig (p.57).

Maliak: Wina'am tumtum one ka fu pu nyetta (p.5).



Mazaya: Na'akane ka ba kpa' kpaam nin o zug. Mazaya ane Hiburu pian'ad ka Girik dim lɛbisi li ye Kristo (p.52, 55).

Nɔnaar diib: Yesu nya'andɔlib ɔnbid bodobodo bi'ela ka nud daam bi'ela ka li ket ka ba tiendi o kum ne o kum vu'ugir yela (p. 41).



Nya'andɔl: One dɔl Yesu (p.18).

Nyɔvɔr dine ka'a naare: Belim kane ka fu na be ne Yesu nwenne Wina'am boɔd ye li an si'em la hali ka ku len kpɛi (p.23, 29-30 and 59).

Siigsun: Wina'am Siig kane boɔd ye o be nimbane dɔl Yesu la ni (p.58).

Sutaana: Wina'an ne saalib dataa one ka ti pu nyetta (ti me buon o ye Siigbe'ed)

Tuumbe'ed: Tuum bane ka ti tum kadi sa'amid Wina'am sɔvnr ka ket ka ti pu tun'e be wuv Wina'am boɔd si'em (p.4).

Wina'am Biig: Yesu yu'uri la. O ane Wina'am one da ke dunia nwa na ne saal ningbiun, ka an Wina'am biig.

Wina'am gbaun: Gbaun kaja ni ka ti karim ka banjɔd Wina'am gɔsid o nidib si'em ne on tum ne ba si'em.

Wina'am Su'ɔlim: Wina'am Su'ɔlim be ne zin'ikane ka nidib siakid o nɔɔr.

Wina'am yɛlsum: Bumbane ka Wina'am boɔd ye o tis bane maane o boɔdim la.

Winsɔsug: Fun na pian'ad ne Wina'am baanlim baanlim bee agɔla gɔla, ka me kelis on yettif si'el (p.18, 19, 42).

Yadda: Fun na mɔr ti'ir ye Wina'am na maal on kaanb si'el la (p.58).

Yesu Kum Tienr: Di'ema line tiend Yesu kum vu'ugir yela. Jew dimi maan Kum Maliak Gaadug di'ema dabis bama (p.38-54).

Yesu: Wina'am biig yu'ur, li gbin ane ye, 'Wina'am faandi ti.'




Yesu Saɗa

Ti zumaan nwa pin'ine ne Yesu du'am. Nidib da ban'adne bumis, ne yuguma bee widi. Saɗkanla, Nansaa-ten, ne Laaribnam ten ne Gbaun-sabulug ya-datiun dim da ane Room dim su'ulim. Saɗkanla, nidib pamm da pu tun'e karim bee sobida amaa Jew dim la da karim ka sobid. Ba da bonne ba ye, 'Gbaun la nidib.' Wina'am pian'ad.

Ano'one an Yesu one an

Yuma tusa ayi (2,000) nwa ka Yesu da be Israel. Ti buon o ye, 'Yesu one an Mazaya' bee Yesu Kristo.' Li gbin ane ye o ane Na'ab. Amaa o ka'a na'ab ma'aane. Ba me buon Yesu ye, 'Wina'am Biig' ne Ninsaal Biig.' Li gbin ane ye o ane Wina'am din ka me an saalib din. Wina'am gbaun tu'asid Yesu bellim yela. Li ane labakane gaad labaya wusa saɗa wusa.





Israeli da an Si'em Yesu Sana

Israel Tenjita'ar: Jerusalem

Tenj banε pεεs: Galile, Saamaaria, Juuda

Tenj la paalu: Mεel tusa piiga nε kobisnii nε
piiga (10,810 sq miles)


Tenj la sigir: Li nwenne Gbaun-sabil tenj sigiri
an si'em la.

Politiks: Lin nwenne yuum pisyuobu nε atan'
(63) Yesu du'am nya'anj la, Room dimi da su'oe
Israel.

Tenj la gomina: Pontius Paaliti da an Room
su'ulim gomina. Onε mε da su'oe Israel ka
Tiberias onε da an Room na'atita'ar la su'oe
Paalit.

Tenj la pu'usim: Judezim. Jew dim la mεr
pu'usim yir Jerusalem. Maalmanib bεε anina
tum pu'usim la tuuma ka pa'anib (nwenne
Farasii nam) mε bεε anina pa'an nidib
Wina'am Gbaun la.

Tenj la pian'ad: Hibiru (Jew dim pian'ad),
Girik (pian'akanε ka ba pian'ad tεens pamm),
Laatin (Room dim pian'ad)




Bozug ka nimbama wusa la'asid koldaugun la?



Ti'ebimine ya menj ka
Wina'am su'ulim la
kena.




Pin'ilime belim paal.



Wina'am sariakadib liej la pun dignɛ tiis nya'a ni.




Tikanɛ pu wan walsuma ba na nwaan li los bugimin!





Alaa ba na nwaan ti wusa base, anɔ'one na nyanji be belim sunɔ?

Asida, sɔ' ku nyanji yi Wina'am sariakadib laa. Amaa mam nya'an sɔ' na kena ka one na tiaki ya sunya.



Ya ya'a sid bɔɔd ye ya belim tiaki bɛɛ di kɔn', yanam siakim ye ya anɛ tuumbe'ed dim ka sig kuomin nwana ka m suu ya Wina'am kuom.





Nannanna, ya tuumbe'ed pieya ka ya na pin'il belim paal.

so' mekama buon one mɔɔn
labaar kɔldaugin la ye Joon one
suud nidib Wina'am kuom.

Di ka' ye man ane
ninvusuɔ, amaa m
ti'ebidne suor la tisid
one na kena ka pa'ali ti
Wina'am a so' la. O na
suu ya ne Wina'am
Siigsuɔ ne bugum. Dine
na tiaki ya.



Ka Yesu paana.



Mam...Di nar
ye fune na su
mam
Wina'am
kuom la beɛ!




kudum niɲim wuu
din nar si'em. Ti
ya'a niɲ ala,
Wina'am bood
si'em la.






Mba', kel ka fu
su'ulim kena ka fu
boodim maal!



Ka kukor yi arazana
ni yeɛ ye...



Ɛenn, fu ane m
biig ka m
noɲif, ka m
sunf ma'ae fu
zug.



Amaa suntaana one aan o dataa
la moɔd ye o pan'as Yesu ka o da
tum Wina'am boɔdim.

*Fu ya sid a Wina'am biig fun ke
ka kuga nwa lieb bodobodo.*

Di sob gbaunɔn la ye
ninsaal pu vuene diib yela
ma'aa ne amaa aseɛ ka o
bo Wina'am yelug men.

*Fu ya'a sid ane Wina'am
biig fun iankim Wina'am
karimɔɔg la zug n li. Ka
di pun sob ye maaliaknam
na ti'enifo?*



Di me sob ya ye: Da
maki fu Zugsob
Wina'am.

*Fu ya'a igin man tuon ka
pu'usim, m na tisif dunia
pan wusa.*


Kem ka basim
suntaana! Wina'am
ma'aa nar ye ti wo'og
ka dol.

Ka Suntaana bas Yesu
bi'ela. Ka Maaliak nam
kena wo'ogud o.


Yesu pe'el ne Siigsun ka leb Galile.
Tenkɔna ni ka Yesu da nobig. Ten la
nidib da zuoya ka di be Israel
su'ulimin. Yesu ya da ken zin'isia
wusa nidib pamm dol o ne. Ba da
boɔd ye ba ban ye Yesu ane Mazaya
one ka Wina'am nɔdi'esidib da
pian'a o yela laa.



Ka pu'adiir di'ema be Kaina
dine be Galile su'ulimin...



Yesu me be di'ema la ni
ne o ma ne o zuanam.



Kapanum anɛ ziŋ-gbana'adib tenkpeŋ bili be Galile mo'ar baba.
Kpela ka Yesu pin'ili pian'ad paalu Wina'am su'ulim la yela.



Kpela ka o deŋɛ
gaŋi o yiiga
nya'andolib la.



M Zugsoba, ti tum
yu'uŋin hali nie
beog ka pu gban'e
si'el si'ela.



Amaa fun yel
si'em la ato...




Pita, kel ka ti ken
kuozulinjin ka fu
lɔsi fu sau la.




Boo! Dina
anɛ waii!






Yesu ken Galile su'ulim wusa
ne o nya'andolib ka tu'asid
nidib Wina'am su'ulim la yela.
O ma'ad ban'as kon'ob kon'ob
ka kat kikirisi yisid ka nidib
lidig ka dol o. hali ka yit
su'ulim si'eba ne Jerusalem
dine a Israel tentita'ar la ka
ba siak o pian'ad la ne ba
suunr wusa.




Wina'am yel sum be ne bane
ko'om zabid Bozugo ba na tig.



Wina'am yel sum be ne
bane kaasid. Bozugo ba
na la' ya'as.



Wina'am yel sum bene yanam
bane ka ba tu'udi ya ka
namisidi ya mam zug. mōri
sumalisim bozugo ya yood be
Arizana ni bedigo.





Maalimi fu tiraan
wenne fun bood ye
ba maalif si'em.



One gos pu'a ne ya'amleog
pun maal pu'ayuudim ne
pu'akan o suunrin.



Nonjimi fu dataas ka
sas Wina'am tisi ba.



Nini a ningbina neesim. fu nini
ya'a asum fu ningbina wusa
ane nyain. Amaa fu nini ya'a
kae sum fu na be likin.



Da tume fu tuum suma
paalu ye nidib nyee.





So' kae na tun'e dol Zugsob
nama ayi'ii. fu ya'a na dol
Wina'am fun dol, fu ya'a na
dolne ligidi fun dol.



Da ke ka beog yela paki fu. Boom
Wina'am su'ulim la yiiga ka dine
kpelim o na paas.



fu ya'a siakim pian'ad la, fu nwenne
dau one mee o yir tampiig zug. Amaa
fu ya'a pu siake fu nwenne dau one
mee o yir tambin'isi zug.






Amaa ka'a nidib la wusa mɔr sumalisim nε Yesu tum si'el la. Karuŋ kpεemnam la kpansid ye ba gos ye Yesu dɔl Wina'am dabisir wada laa. Di anε kis-tita'ar Israel ye nid tum dabiskana.



Ka dataas la daa galis la zug,
Yesu ne o nya'andolib kpen'
anrunu keɗ Galile mo'arin.










Zugsoba!
Faaenme ti
ka ti na sim!










Bo ka ya zot
dabiem? Ya yadda
la be yaani?













Tomas ne Mattio one da a Roomdim lampodi'es.




Taadios ne Jemis kaja la...



Simon one zabid ne Room Gomina la ne Judas Iskariot.




Kemi! On wusa di'e ya di'ene man, ka on wusa di'e mam di'ene one tumum la na.



Ka nya'andolib la leb na ka mar supielim ne ban ken tum si'el la. Ka Yesu bood ye on ne ban keɗ zin'ikane an baanlim amaa ka nidib zan'as ka doli ba.

Pɔɔɔ la zuud galis ya ka bane bun kai, soɔsimi pɔɔɔ la sob ka o na tum bane bun na ka ba bun zuud la.



Ka Yesu lem pa'an ka ma'ad ban'as. Ka saɲa tuugid...

Filipe, nimbama wusa
ye ba nye diid yaani?
Tisime ba diib.


Hali nwandis anii yood
ku tun'e niɲe ba si'ela!

Biigi nwa mɔr bodobodo kpila
anu ne zimi ayi'. Di zaɲi la.


Kel ka nidib la
zin'in pisnu, nu.

Yesu pu'us Wina'am...

Ka o kpeɲ pudigid zimi
la ne bodobodo la.



Nidib tusa si'em dii
tig ka Yesu ke ka di
kpen paasid...



Asee ka
ti diis o
na'am.

O na ane Mazaya on
ka ba ye o na kena la.



Gosima!
Dikane kpelim
la pe'el beed
piiga ne ayi!





Sana paaya ka di nar ye nidib la
kul. Yanam zanjimi anrun la lo'on
gbegog ka mam ye m kpelimne
zuoya nwa ni n sos Wina'am.



Ninsi'eba gban'e ye ba diis Yesu na'am. Ba ten'es ye o ya'a an na'ab, o na faaen ba Roomdim nu'usin. Yesu dataas me kpem paasidne.

Sanja wusa ba nyetne o gbelun ka moad ye ba tugul on ne nidib la ka nyanj melis o.





Sanƙan la ba da yiiti mɔri nidibi yi Jerusalem n kuvuɗ. Ba da yii kpabane ya'al dapuuda zug. Dina da ane Roomdim tubdar-kpi'eun.



One boɗɗ ye o ɗɔl mam aseɛ
ka o ki'is o meɲ ka zaɲi o
kum dapuuda ɗɔlim.

One mɔri o nyɔvɔr kinkin di na
boɗig, amaa one bas o nyɔvɔr
mam zug o na nyɛɛ li.

Li su'um ka fu ban
dina. Wina'am
yinne ma'aa be.


Dine a yɛlkpan ane ye fu naɲ wina'am ne fu
sunf wusa ka naɲe fu taaba wenne fu meɲ.

Sana kana tenkpen si'eba da be Israel ka kukoma ma'aa bee ani. Kukonnim da
ane ban'akane ka nidib zot hali, ka one mori li pu li'en nidiba.



Kukoma la ya'a ken zin'isia wusa
asee ka ba maan tikpiidug ka
nidib ban ye ba kenna.

Kukoma ye!
Kukoma ye!



Zugsab Yesu! Zomi
ti nimbaanlig!






Kem zaji ya
merji pa'ali
maalmaan!



Kemi maalmaan
sa'an ka o gosi ya.

Dine na ke ka ti
nye laafi bee?



?

!



Gosima! M ban'as
la bas ya!



Ti ban'as la bas ya!

Een!



Haleluya!
Wina'am asum!
M pu'us ya!



Ka' yanam piiga nye ban'as
ma'are? Ka fu taab la be ya? Ba
pu ye ba kena pu'us Wina'am?



Duom! Fu yadda la tisif
ban'as ma'ar hali ne
nyovur kane ka' naare.

Ka Juus kp̄emnam ban̄e
b̄e J̄erusalem la tumi ba
tumtumnidib ye ba d̄ol
Yesu ḡos on niḡid si'el.
Ba kud̄uḡ pu siak Yesu
tum si'el la.

O la'asid n̄e nimban̄e ka' kibar nw̄ene
pu'abane sa'amid dap n̄e lampodi'esidib
ban̄e naa n̄ōr n̄e Room ḡomina...

Mazaya la kena
ye o ia ka faaen
ban̄e b̄odig la.




Yesu ma'ad ban'as
Wina'am dabsir la zug...

Nyem
ban'as
ma'ar!



O daa b̄ōd
biis ȳela hali.

Kel ka biis la k̄e m
sa'an na ka Wina'am
so'ulim la an̄e ba din.



Yesu da anɛ Lazarus ne o
tanp Mɛɛri ne Maata zua.
Ka daar yinne ka ba keɗ
buol o ye o ke Betani na.
On paaɛ la o wum ye
Lazarus kpiya ka ba mum
o daba anaasi dine gaad
la.



Zugsoba fu ya'a
beɛn kpɛla m taun
la ku kpiine!



Maata, fu taun la
na vu'ug ya'as.



Ɛɛn m mi'. Kum vu'ugir
daar, o na vu'ug.



Manɛ an kum vu'ugir ne
nyɔvɔr. On mɛkama
niɗim yadda na vuɛ. Fu
niɗ dina yadda Maata?





Ɛɛn, m niɗ yadda ye fɔnɛ a faanjid
onɛ ka ba daa kaanb ye o na kena
la. Fu anɛ Wina'am biig.




Ya mum
o yaani?

Kemna gos
Zugsoba!





Tuongatib banɛ bɛ Jerusalem la
sunf daa sa'am Yesu nɛ o
nya'andɔlib la yɛla hali pamm.



Dau la maan nyalima
tuuma pamm.

Ti ya'a kɛ ka dina kpeɲ maan,
Roomdim na duoɛ taawai nɛ ti.

Ba na sa'ami ti
pu'usim dɔɔg nɛ
ti su'ulim wusa!



Fun mɛ gɔsima; nid ayinne
ya kpi di pu sɔn'ɛ ban na
sa'ami ti su'ulim la wusa?



Dinzug ka di nar
ye ti ku Yesu la!



Din yi saɲa kan la, Juus
tuongatib la pin'ili ied
suokanɛ ka ba na gban' o
tis Roomdim, bɔzugɔ ban
ma'aa na tun'e tis suor
ka ba kuvu o.



Ka di'ema daa be Betani.




Mæeri!



Gosim tudar la! Di
ane ligidgbaluŋ!




Ligidkanya ya'a
zaŋi tisin
tadimnam pu
son'e yaa.




Basim o baanlim
Judas, o ti'ebidne
m niŋbina ye ba
pin'im.

Di ku yuuge ka ba na maal kum
Maliak Gaadug Maluɗ. Nidib
pamm na keɗ Jerusalem...



Jerusalem ten puugin tuongatib
la ti'ebid ye ba gban'a o.
La'amne ala o gban'e ye asɛɛ o
keɗ tenjin la.



Ka nidib la wusa maan supielim
on kpen'ed Jerusalem la.




Win na yuug fun kane ken ne
Wina'am yu'ur la na!

Israel
na'aba!




Jerusalem, if you just knew
how to receive peace. But
you don't want to.




Ti ku nyan
yel la.

Dunia wusa
dol o ne.



Wina'am pu'usim yir la
bene tej la tensuk.



Kum Maliak Gaadug malug
saja ba kuud peraad.



Ba mɔr peraadi maan maan
malug dine na naalim nidib la
ne Wina'am.



Amaa malug konbkane
sid na nyanji yis nidib
tuumbe'edi base?







Ninsi'eba daa zin'i Wina'am
pu'usim yir la kuosid la'ad ka
tiasid ligidi.



Ka Yesu me kpen
kpen na...











Din kpelim bi'ela ka
Maliak Gaadug Maluŋ
tienr la paae la, ka
Yesu be Wina'am
pu'usim yin n tu'asid
nidib. Amaa ka
tuongatib la ke ka di
toi tis o.





Daakan zaam ka Yesu ne o
nya'andolib piiga ne ayi' la
la'as ye ba di maluŋ la diib.



*M na tum
tuum la
yu'vɔŋa!*







Daar kan la zaam ka Yesu ne o
nyan'adolib yit tenpuugin la.
Judas daa kae ba nii...

Man na basi ya amaa Mba' na
tisi ya Siigsun la. O na suni ya
ka na be ne ya sanga wusa.

Ya mi' mam
ken si'el la.

Mane an suor ne sida
ne nyɔvur la. So' ku
nyanji keɛn Mba' la
sa'an na ka ya'a ka' o
dolne mane.

Zi'enimi kpela
ka m kenj tuon
bi'ela sos
Wina'am.

Mba', li ya'a na nyan fun
zanjim namis kaja m sa'an.

Amaa kel
ka fu
boɔdim
maal ka ka'
mam
boɔdim.



Ba mɔr Yesu kenj maalmaan kpɛɛm onɛ a Juudim
wɔsa tuongat sa'an. Ka Pita nɛ Joon dɔl nya'an.



Ka Pita kpen'ed
za'ambɛɣun.



Mɛ fun nɛ onɛ
daa la'am bɛ?



Ayei, mam
pun zi'i dau
nwa gbaa!

Mɛ fu anɛ o
nid ayinne?




Ayei!


M mi' sɔŋa, fu mɛ
daa bɛɛ ani! Fu mɛ
anɛ Galile nid!



Mam zi' fun
pian'ad si'el la.



Ka ba mɔr Yesu keɲ Palet onɛ a Roomdim gɔmina
Jerusalem teɲin. Ka Juudim tuongatib la wa'as nidib,
ka ba kpen tansid ka ma' dama'am ziil Yesu.



Nidib la ma' dama'asia ziilif la
fu mɔr bɔɔ ye fu yeɛ? Fu pu
mɔr si'el si'elaa?




Fu tum
bɔɔ?

M kena ye m
dine sida kaset.




Sida a bɔɔ?





Mam pu nye gbɛɛɔ o sa'anɛ. Di
anɛ Kum Maliak gaadug malɔɔ
ti'enr sɛɛɛ, ya bɔɔd ye m yis
anɔ'ɔnɛ base; Barabas bɛɛ
Juudim na'ab la?










Ka ba sɔbi tabil dapuuda la ne
buudi tan' pian'ad ye: “Yesu,
onɛ a Juudim na'ab.”



Ka ba tis o tikane na mae
zabir la ka o zan'as.



Ka sɔgianam bugulim o
fuud la yela.



Ɛɛnn! O pu faaen
nɛ si'eba?

Fu ya'a sid anɛ Wina'am
biig fun sigim dapuuda
la zug na!



Faanmi fu
mɛɲ nɛ
tinam!

Fu pu zot Wina'am. Tinam
tumne taal ka namisid amaa
onja pu tum taal sia'aa.



Fu ya'a ti kpɛn' fu
su'ulimin la fun
tiemim yela!

M yetif ye zina fu na be
nem m ba' su'ulimin la.



Ka nintan̄ tisuus ka winnig
ligil ka zin'ig lebig lig biridi.




Meeri one a Yesu ma ne
o nya'andɔl Joon zi'e
dapuuda la baba.

Nannanna ya ane
nid ne o ma.



M Wina'am, m
Wina'am, bo ka
fu basi ma?



Kuonuud
morim!




Mba, m pesigi m siigi
niɲi fu nu'usin.



Di...naa
ya!



Yesu kpi ninṭan kerifa atan' ka sɔgia kuns o lɔgɔr nɛ kpan ka kuom nɛ ziim yi.



Di yel gbaunṭon la ye: “Ba daa mɔr o wuv pɛbil nɛ ken o kuub zin'ig”.



“Ba daa kuns o ka pu'alim o ti tuumbɛ'ed zug.” Amaa nannanna o kpiya.



Onɛ daa an mazaya kanɛ na kena la bɛɛ ka' onɛ?




Kemi na ka ti bu'osi gos ye ti na tun'e mum oo?



Joosɛf onɛ yi Arimatiya nɛ Nikodemɔs zaɲ Yesu niḡbiunṭ la n sɔ kuom ka bɔbig o nɛ piene zaɲi sua yaagin ka bilig tampiinṭ n ligil.











Yesu da nie o mɛɲi pa'al
o nya'andɔlib la dabsum
pisnaasi. Hali o da nie o
mɛɲi pa'al nidib kɔbisnu
saɲa yinne. Daar ayinne
ka nya'andɔlib la sieba
gban'ad zimi Galile
mu'arin...





Pita, fu sid
nɔŋi maa?



Yesu buos Pita
buoskaŋa nɔɔr atan'...



Ξεν m Zugsɔba,
fu mi' ye m
nɔŋɔf.

Guri m
pɛ'es la!




Dɔllim!

M die paŋ arizana ne dunia. Kemi
dunia buudi wusa ka ke ka nidib
dɔllim. Suumi ba ne Wina'am
kuom ne Ba' ne Biig ne Siigsuŋ
yu'ur zug. Ka pa'ali ba ka ba tum
man tu'asuf si'el la.



Tɛnri suŋa ye, m na bɛnɛ ya dabsa
wusa hali ti paaɛ dunia la naar.



Ka on pian'a naaɛ la, ka
Wina'am zaŋ o leɓ
arizana. Amaa o mɛ yel
ya ye o na len leɓna kad
saalib saria...

Yesu bas dunia. O
nya'andɔlib la kpelim
Jerusalem n sɔsid Wina'am.
Wina'am Siigsɔɲ la pɛ'eli ba.
Siigsɔɲ kanɛ daa bɛ Yesu ni
la mɛ yu'un bɛ ba ni. O tiaki
ba ka tisi ba paɲ ka ba
tu'asid Yesu labaar la nɛ
kpi'unɲ.

Kum daa pu yaɲi
mɔr Yesu. Wina'am
daa vu'ug o kumin.
Yesu daa an yiiga
sɔbi kpen' Wina'am
girima ni.



Yesu nya'andɔlib la daa
yi paalo hali baa
dataasi daa galis la.

Yesu an
Wina'am biig!




Ba daa kɛ ka labakana
widig dunia wusa
gbana ni.

On daa kpi dapuuda
zug la, o daa zii ti
tuumbɛ'ed wusa o
ningbina ni. Alazug, ti
kpiya nɛ tuumbɛ'ed ka
nannanna ti na tun'e
bɛ Wina'am bɔɔd ye ti
bɛ bellim sia.



Nannanna Yesu nya'andɔlib
banɛ bɛ dunia wusa la'asid
taaba n karim Wina'am gbaunɲ.
Ba ɔnbid bodobodo ka nuud
dankanɛ pu mɔr dabin la nɛ
taaba ka tiend Yesu kum la yela.
Ba pudigid Wina'am nɔɲelim
dine bɛɛ ba suunrin la nɛ nidib
wusa.

Yesu ke ya ka Wina'am
gban'e si'el saalib yela la
niɲ nwene din nar si'em.



Yesu nɔɲuf! Pu'ɔsim
Wina'am barika ka dɔl o!



Wina'am nɔɲ dunia hali
bedigo ka tis o biyimir na
ka one niɲ o yadda ku
bɔdige amaa o na nyɛ
nyɔvɔr kanɛ kaɛ naare.

WILLEM DE VINK

Wina'am Gbaun

Yesu labaar sɔbne nin Wina'am gbaun la. baun sia kae ka ba karim ka maligin karim gaad Wina'am Gbaun la. Li ane Gbaun kane mɔr gbana pamm. Ba zaɲne yuma tusir ne kɔbisnu n sɔb gbana la. Ban sɔb Wina'am Gbaun la naae la, li yuma tusir ne kɔbiswai nwa. Li pe'elne labaya zaɲi ken Wina'am tum si'em saalib belimin. Yesu labaar pa'an Wina'am an si'em nyain.


Yesu Belim Yela

Gbana anaasi be Wina'am Gbaun la tu'asid Yesu yela. Ba nɔkne bane sɔb gbana la yuda pud gbana la. Ba wusa da be saɲa kan ka Yesu da be la.

1. **Maatio** - da ane Yesu nya'andɔl. O da ane lampodi'es. O sɔb la pa'anne Yesu da an si'em ne Israel nidib la (bane an Jew dim la)

2. **Mak** - da nan ane dasanbil saɲa kan ka Yesu da tummi o tuuma la. O sɔbi pa'al Yesu da tum nyalima tuuma si'em.

3. **Luk** - da ane laafi duata. O da zi'i Yesu meɲ-meɲa. Luk sɔbne Yesu da be ne nidib si'em.




4. **Joon** - da ane Yesu nya'andɔl. O sɔb la pa'anne Yesu an sɔ'. Yesu ane Wina'am one lieb ninsaali ye o faaen saalibi yis tuumbe'edin.

Yesu Du'am


Yesu ma da ane Mæeri. On da du'a Yesu la, o da nan pu kul sida. O da nan zi' dau. La'amne ala Wina'am da gban'e ye o na du'a Yesu. Nya'alim kana yela da pun sobne hali ka Yesu nan pu ke dunia naa. Ba da pu du'a Yesu wuu nintita'are. Ba da du'a o ne konbid dogin.

Yesu Nyalima Tuuma

Yesu da tum nyalima tuuma pamm. Ban'as ma'ar ma'aa gaad pisnaasi Wina'am gbaunon la. Nyalima tuumbama ni ka Yesu da pa'al Wina'am paɲ ne o noɲilim zem si'em, hali ne Wina'am bood ye o ke ka saalib mor sumalisim si'em.



Yesu Kum ne Kumnier Yela



Bɔzug ka Yesu da Kpi? Bu'os kana gandigir be Wina'am gbaunun la.

Saajib wusa tum line pu nara. Ba tum tum bane ka Wina'am pu bɔɔd ye ba tumm, ka li ke ka o mɔr sunsa'an. Ba buon tum bama ye tumbe'ed. Tumbe'ebama ketne ka saajib ku tun'e an zuod ne Wina'am.

Alazug ka Yesu kena. O men men bɔɔdim ka Yesu siaki di'e namisugu ti tumbe'ed yela. Namis kan ane kum. Yesu sadigim kpai ti zug la, ti yu'un tun'e an zuod ne Wina'am ya'as. Amaa li nar ye ti mɔr sunsa'ani ti tumbe'ed yela.

Yesu vu'ug kumin. Wina'am daa ke ka o vu'ug kumin. Lina pa'al ye Wina'am mɔr paɗi gat kum.

Yesu yu'un be Wina'am sa'an. On vue la zug, o ane ti zua sanya wusa. O bɔɔd ye o sunji ti ka ti be bellim line na tis Wina'am sunpielim.

Winsɔsug:

Fu ya'a mɔr sunsa'an ne tumbe'ed bane ka fu tum la zug, ka bɔɔd ye fu an zuod ne Wina'am, fun sɔsima anwa:

“M Wina'am sunjɔ, Fu nɔɗ mam.

Fu tisi ti Fu biyimmir Yesu.

O daa kpi kum dapuuda zug man tumbe'ed zug.

Dimsuguru ka basi m tumbe'ed taali pe'enjim. M mɔr sunsa'ani li zug.

M pu'usif bareka Yesu bee m sa'an la zug.

M bɔɔd ye m aan fu din sanya wusa.

Fu na sunjim ka m be din nar ye m be si'em?

Fu na bee m sa'an sanya wusa?

M pu'usif bareka fu gandigi m Winsɔsug la zug.

Fun kaanb ye fu na tum si'em la, ala ka fu tum!”

Fun nɛ Yesu

Yesu labaar la pu naada. Yesu daa anɛ nidib bɛdegɔ zua saɲa kanɛ gaad la nɛ nannanna. Dunia la tiaknɛ. Nidib ya'a ken suor, ba pu lɛm ban'ad bumis nɛ widii amaa ba yu'un kpɛn'ɛdnɛ lɔɔm nɛ lɔpirnam. Amaa Yesu on nan kpɛn bɛnɛ o naɲ naɲin. O bɛ nɛ ti nannanna nwenɛ on da bɛ Israel tɛngbaunjin si'em la. Ti pu nyɛt oo, amaa o nan kpɛn anɛ wuu on daa an si'em la. O bɔɔd yɛ o anɛ fu zua zina. Fu tun'e kɛlis o ka pa'al o fu nɔɲilim.

Fu bɔɔd yɛ fu ban Yesu yɛla nɛ fun na niɲ si'em ka nyɛ nyɔvuri o sa'anɛɛ?

Alaa dɔl suobama:

1. Pin'ilim karim Wina'am Gbaun la fu mɛɲ

(Fu tun'e pin'ili karim Luk gbaun la).

2. Pin'ilim sɔsid Wina'am

(Fu ya'a sɔsid Wina'am bɛɛ kɛlisid o, li kae yɛ fu pian'ad pian'abanɛ bɛɛ li kɔn'ɔɔ.

Tu'asim Yesu nɛ Wina'am gbaun la yɛlaa tis si'eba mɛn. Yesu bɔɔd yɛ banɛ pu'usid o la la'asid nɛ taaba ka kpɛmisid taaba, ka zamisid o yɛla.

*Onɛ sɔb gbaun la nɛ footo nam la anɛ: Willem de Vink
Copyright © 1993 Stikitin Wereldtaal, Houten, The Netherlands.
Ba sɔbi lino Dutch yɛ "Jezus Messias".*

Yuum kanɛ ka li yi Kusaalin © 2013, 2022

Digital copyright under the terms of the Creative commons BY-SA licence

Tɛɛns wusa mɔr suor kanɛ ka ba na tun'e lɛbis gbaun nwa ba buudi pian'adin.

Dunia nwa wusa banɛ su'oe gbaun nwa sɔbug yɛla anɛ:

e-mail : jmpbk.app@gmail.com

Yesu ONE A MAZAYA LA: Dina ane Yesu one a Mazaya la labaar yelmenjir. Yuma tusa ayi (2000) bane gaad la ka o da be Israel. O belim ne o tuuma da lidig nidib pamm. So' da nan zi'i tum o tuuma la buudii. So'me da nan zi'i pian'a o pian'ad la taaba. O ya'a da ken zin'isia wusa tuum nyalima tumne. Ka bane wusa da kelis o pian'ad da nyet sumalisim ne sunpielim. Amaa la'am ne ala o dataas da ke ka ba kuvu o. Amaa di ka' labaar la benne la. Karim gbaun nwa ka fu na nye dine daa nin Yesu one a Mazaya la belimin!



Language: Kusaal (Ghana)
ISBN: 978-90-73150-25-6